



Sujet 2007: „Pischte Gschberrt“

In de Bärge kasch e Waggis gseh,
är suecht mit sine Ski e Fläckli Schnee.
Oje oje, seit är, das duet mir weh,
uf däm Bärge wagst im Winter dr Klee.

Han ich mi in dr Jooreszyt verdo,
worum isch jetzt dr Schnee nit do?
Drbi isch scholang Winter he jo,
nur Gras und Drägg ich lauf drvo.

Mit Schneekanone kasch nüt verziere,
D'Ski muesch halt in dr Beiz parkiere.
Dr Waggis ka das alles nit akzeptiere,
und duet kurzer Hand sini Ski montiere.

Ei, zwei Bögli probiert är z'mache,
do muess dr Waggis lut afo lache.
Gras und Drägg sin keini tolle Sache.
Do Skifahre? Ich bi nit ganz bache.

Nit lang hets brucht und är hets gmerkt,
jo natürlich die Pischte isch jo gschberrt.
Gege dr Bärge het är sich nüm gwehrt,
und isch mit dr Gondle ins Tal zrugkehr.

Dehome ako isch är zu de Fratze gange,
het sich vo sim Lacher nonig ganz gfange.
Für dä Waggis halte mir jetzt d'Stange,
und hän nit lang um e Sujet miesse bange.

E Skilift hän mir denne baut,
jetzt wird so richtig umme gsaut
Mir finde das alles e rise Gägg,
drum fahre mir Ski uf em Drägg.

E schöni Fasnacht!

www.escargots-fratze.ch